

INUIT ATAQATIGIIT INATSISARTUNI



UPA2024/159
Majip 23-at 2024
Harald Bianco

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 4/2023-mik Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nu-naanni Islandimilu naalackersuisunut kaammattuutigaa nunani avannarlerni efterskolit akornanni suleqatigiinnerup annertusineqarnissaanut periarfissat misissoqullugit, tassungalu ilanngullugu atuartut efterskolimiinnermut aningaasanik qinnuteqateqarsinnaanissamut periarfissaat misissoqullugit.

(Aallartitat siulittaasuat Doris J. Jensen)

Siullermik aallartitat siulittaasuannut Inatsisartuini Ilaasortaq Doris Jakobsen Jensen-imut kaammattuummik saqqummiussarnut Inuit Ataqatigiinnit qujavugut. Taamatullu Naalackersuisut akissuteqaataannut qujanaq.

2023-mi aasakkut Nunat Avannarliit Killiit Islandimi ataatsimeersuarneranni nunani pineqartuni inuusuttut assigiinngitsutigut peqataatinneqarnissaannik eqqartuineq anner-tuvoq. Taakkununga aamma ilaavoq efterskoleqarnikkut ilaatigut tapiiffigineqarsin-naanikkut periarfissaqalernissaq. Tamatuma ilaatigut kingunerissammagu nunat taakku akornanni inuusuttut ilinniarnikkut kulturikkullu parlaateqatigiillutillu avitseqatigiinne-rulernissaat.

Ilumoorpoq nunani taakunani assigiinngitsuni pingasuni ilinniartitaanermut tapeeriaatsit assigiinngissaqisut suliaassaammata. Inuit Ataqatigiinit neriuppugut taakkunatigut aaqiisutissat nunat suleqatigiillutik iluarsiiviginnaassagaat. Tassuuna nunatsinni inatsisitigut aaqiivigininnissamik Naalackersuisut siunnerfeqarnerat Inuit Ataqatigiin-nit pitsaasutut isigaarput.

Naggataatigut oqaatigerusunnarpoq, 2023-mi Islandimi Nunat Avannarliit Killiit Ataat-simeersuarneranni Nunat Avannarliit Killiit suleqatigiillutik "Vestnordisk Efterskole"-mik siunnerfilimmik nunatsinniit Savalimiuniillu qaqitsisoqarmat. Tassani aamma paasissu-tissiisutiginneqarpoq, Nordiskrådi aningaasaliinissamut piareersimasoq, nunat pingasut taakku aningaasaleeqataasinnaassappata. Oqallinnermi nunatsinniit oqaatigivarput nu-natsinni (Tasiilami) efterskolimi taamaattumik pilersitsisoqartariaqartoq. Inuit Ataqati-giinit isumaqarpugut siunertaq taanna malersoqqinneqartariaqartoq.

Inuit Ataqatigiinit taamatut oqaaseqarluta kaammattuut taperserparput.

Qujanaq.